

Date 08/09/2025

STATUTI
I
SHOQERISE "AED ENGINEERING & TRADE" SHPK

KREU I
DISPOZITA TE PERGJITHSHME
Neni 1

Unë themeluesi i shoqërisë "AED ENGINEERING & TRADE" SHPK me gjeneralitetet e cituara më poshtë :

1-Albano Myrtollari : i biri i Lirimit, lindur në Korce me datën 28.05.1990 dhe banues në Korce në adresën : Lagja 18 Rruga "1 Maji, Hyrja 16", mbajtes i leternjoftimit me nr. J00528111B.

deklarojme se aktiviteti i shoqërisë "AED ENGINEERING & TRADE" SHPK, do të organizohet dhe zhvillohet në bazë të këtij statuti dhe kërkesave të Ligjit Nr. 9901, datë 14.04.2008 "Për tregtarët dhe shoqëritë tregtare".

Neni 2

Shoqëria "AED ENGINEERING & TRADE" SHPK është person juridik shqiptar dhe si i tillë do të ushtrojë aktivitetin e saj tregtar, sipas këtij Statuti dhe legjisllacionit shqiptar në fuqi.

Neni 3
Kohëzgjatja e aktivitetit

Kohëzgjatja e aktivitetit të shoqërisë është fiksuar për një periudhë kohe të pakufizuar.

Neni 4
Objekti i veprimtarisë

Shoqëria ka si objekt të veprimtarisë së saj:

- Ndërtim & Punime Civile
- Ndërtime civile dhe industriale; projekte inxhinierike dhe arkitekturore; zbatim punimesh ndërtimi; punime rikonstruksioni dhe restaurimi.
- Punime me hekur dhe struktura metalike; punime hekuri dhe nënkonstruksione; punime betoni, inerte dhe elemente ndërtimi; tregtim dhe furnizim me çakull, beton dhe materiale inerte.
- Riparime çatie, fasade, punime gipsi, shtrime me pllaka, lysterje dhe punime dekorative; punime me xham dhe alumin.
- Punime me vinç, me kosh, punime terreni dhe gjërmime dheu.
- Ndërtim, instalim dhe mirëmbajtje pishinash dhe ambienteve ujore rekreative; tregtim pajisjesh për pishina.
- Kolaudime punimesh dhe mbikëqyrje ndërtimi.



Punime Elektrike, Hidraulike & Termike

- Punime dhe instalime elektrike; materiale elektrike dhe hidraulike.
- Instalime dhe mirëmbajtje impiantesh filtrimi dhe trajtimi uji; impiante osmoze, kanalizime dhe ujësjellës; zgjidhje dhe solucione për trajtimin e ujërave të ndotura.
- Instalime impiantesh vaditjeje dhe sisteme ujitjeje.
- Montim dhe mirëmbajtje sisteme ngrohje-ftohje (kondicionerë, kaldaja, sisteme qendrore).

• Instalime kaldajash dhe sistemeve të ngrohjes.

• Instalime dhe mirëmbajtje të sistemeve kundër zjarrit.

• Prodhim artikujsh plastike të çdo lloji: ambalazhe, shishe, kavanoza, bidona, kapakë, tubacione plastike për ujësjellës/kanalizime/vaditje, profile plastike për ndërtim, panele dhe mbulesa plastike, aksesore për ndërtim, elemente teknike për industri, rezervuarë, mobilje plastike, artikuj dekorativë, produkte njëpërdorimëshe, artikuj bujqësorë, pjesë plastike për automjete dhe makineri, si dhe prodhim topash plastike për përdorim industrial, rekreativ dhe mjedisor.

- Përpunim druri dhe prodhim peleti për ngrohje.
- Prodhim mobiljesh për zyra dhe ambiente të tjera.
- Prodhim dhe përpunim materialesh të riciklueshme, përfshirë plastikën.
- Shitje me shumicë dhe pakicë të materialeve ndërtimore, elektrike, hidraulike dhe

inerteve.

- Tregtim peleti dhe lëndëve djegëse për ngrohje.
- Tregtim paneleve diellore dhe pajisjeve fotovoltaike.
- Tregtim gomash dhe shërbime të lidhura; tregtim lubrifikantësh, vajrash, graso dhe filtrash (vaj, karburant, ajër, hidraulik).

• Tregtim pajisjesh elektro-shtëpiake; tregtim uniformash dhe veshje pune; tregtim veglave pune dhe pajisjeve industriale.

- Tregtim artikujsh higjienë dhe materialesh pastrimi.
- Tregtim kancelarie dhe pajisjesh zyre (kompjuterë, printera, fotokopje, servera

qendrore, kamera, pajisje IT).

- Tregtim peshoreve të ndryshme dhe aparaturave matëse.
- Tregtim pajisjesh laboratorike për analiza mjedisore dhe industriale.
- Tregtim pemësh, fidanësh dhe produkteve bujqësore.

• Transport mallrash dhe udhëtarësh brenda dhe jashtë vendit; transport ndërkombëtar dhe logjistikë; shërbime magazinimi dhe shpërndarjeje.

- Servis automjeteve, automjete pune dhe makinerish; lavazh automjeteve.
- Diagnostikime kompjuterike për automjete; asistencë për blerje pajisjesh dhe automjeteve ndërkombëtare.

• Mirëmbajtje impiantesh prodhimi, impiantesh përpunimi dhe sistemeve teknike.

• Mirëmbajtje infrastrukture publike dhe private.

• Kryerje matjesh topografike, studime terreni dhe projekte inxhinierike.

• Monitorime mjedisore, matje dhe analiza për mbrojtjen e mjedisit dhe menaxhimin e mbetjeve.

- Konsulencë teknike, inxhinierike, mjedisore dhe menaxheriale.
- Organizim eventesh, aktivitete biznesi dhe shoqërore.

Neni 5



Për përmbushjen e objektit të veprimtarisë, shoqëria mund të marrë pjesë në ndërmarrje apo shoqëri të tjera që kanë objekt të njëjte ose të përafërt me të sajën dhe mund të kryejë direkt apo indirekt të gjitha operacionet tregtare, financiare, me karakter të luajtshëm e të paluajtshëm.

Shoqëria mund të hapë dhe të mbajë llogari rrjedhëse në leke apo valuta të tjera, pranë bankave shqiptare apo të huaja, duke mundur gjithashtu të disponojë lirisht mjetet monetare të akumuluar në to, në përputhje me legjislacionin në fuqi.

Neni 6 SELIA E SHOQERISE

Selia e shoqërisë dhe Zyrat Qendrore të saj janë në adresën **“Maliq, Rruga “Puntori” Objekti me Nr pasurie 3/526, Zona Kadastrale 2573**. Asambleja ka kompetencën të hapë filiale e agjensi të tjera dhe t’i mbyllë ato, nëse e quan të nevojshme.

KREU II KAPITALI THEMELTAR DHE KUOTA Neni 7

Kapitali themeltar i shoqërisë perbehet vetem nga kontribute në para dhe është 100.000 (njëqindmijë) Leke. Ai është i ndarë në 1 (një) kuotë e cila zotërohet nga ortakët themelues si më poshtë :

1. **Albano Myrtollari** zotëron 1(një) kuotë të bazaveleshme me 100 (njëqind)% të kapitalit themeltar të shoqërisë.

Ortakët me kërkesë të Administratorit dhe në përputhje me dispozitat në fuqi të karakterit fiskal, kanë të drejtë të kryejnë pagesa apo të japin kontribute, në kapital, ose financime në favor të shoqërisë, të cilat konsiderohen financime pa interes. Shuma e financiar, afati i kthimit dhe menyra e rimbursimit të tyre rregullohen me kontratën përkatëse. Shumat e mësipërme mund të perdoren për të mbuluar humbjet ose transferohen direkt në rritjen e kapitalit në përputhje me vendimin e asamblese së ortakëve.

KREU III TRANSFERIMI I PJESEVE NOMINATIVE TË KAPITALIT THEMELTAR Neni 8

Kuotat e kapitalit janë lirisht të transferueshme, ndërmjet ortakëve (me kontratë shitblerje ose dhurimi), ndërmjet bashkëshortëve (në rastin e ndarjes së pasurisë në bashkëpronësi familjare) dhe tek trashëgimtarët (në rast vdekjeje), dhe kalimi i tyre bëhet pa miratimin e asamblese, (të ortakëve të tjere).

Transferimi i pjesëve nominativë të kapitalit themeltar tek të tretët (persona fizike ose juridike jashtë bashkësisë së ortakëve) bëhet duke ezauruar fillimisht, të drejtën e parablerjes së ortakëve të tjere, në përputhje me procedurën që vijon:

Ortakët që kërkojnë të transferojë kuotën e tij, tek të tretët, tërësisht apo pjesërisht, është i detyruar që fillimisht t’i rezervojë ortakëve të tjerë të drejtën e parablerjes. Për të mundësuar



ushtrimin e kësaj te drejte, ortakut qe dëshiron te transferoje kuotën e tij (ose nje pjese te saj) duhet te lajmëroje me shkrim (me letër-rekomande) te gjithë ortaket qe figurojnë ne Statut (ne adresen qe rezulton ne statut per secilin ortak), duke specifikuar çmimin e shitjes, mënyrën e pagesës dhe emrat e blerësve te mundshëm.

Çdo ortak i interesuar per blerjen e kuotes, duhet ti pergjigjet ortakut ofertues, nepermjet nje njoftimi me shkrim, me te cilin deklarone se dëshiron te ushtroje te drejten e parablerjes per teresine e te gjitha kuotave te ofruara (ose per nje pjese te tyre). Njoftimi duhet t'i dergohet ortakut ofertues brenda 30 ditëve nga data e marrjes se ofertes, ne te kundert konsiderohet se eshte hequr dore nga e drejta e parablerjes, dhe ortakut ofertues eshte i lire te transferoje kuotën tek te tretet, por jo me cmim me te ulet dhe me kushte me te favorshme se cmimi dhe kushtet qe i ka ofruar ortakeve, ne te kundert shitja e kuotes tek te tretet konsiderohet e pavlefshme.

Nese e drejta e parablerjes ushtrohet nga me shume se nje ortak, pjesmarrja ne oferte e sejcilit ortak do te jete ne perpjestim me kuotat qe zoteron secilit prej tyre.

Nese nje ortak qe gezon te drejten e parablerjes nuk mundet ose nuk dëshiron t'a ushtroje ate, e drejta e ortakut qe refuzon apo terhiqet, (e drejta e parablerjes per kete pjese) i kalon ortakeve te tjere ne proporcion me kuotat qe zoteron sejcili.

E drejta e parablerjes ushtrohet per cmimin e ofruar nga ofruesi.

Perjashtohet e drejta e parablerjes per rastet e pengut, por ortaket kane te drejte te marrin pjese ne procedurat e ekzekutimit te detyrueshem apo te shitjes se kuotave te lena peng.

KREU IV **ASAMBLEJA** **Neni 9**

Asambleja e Përgjithshme është organi me i larte vendimor i shoqërisë, qe përfaqëson tërësinë e ortakeve.

Vendimet e saj merren ne përputhje me legjislacionin ne fuqi dhe me kete Statut dhe janë te detyrueshme për te gjithë ortaket. Ato protokollohen ne regjistër te veçante ne përputhje me ligjin.

Asambleja ka te drejte te ushtroje ne çdo moment verifikime mbi Administratorin/et dhe te kontrolloje çdo dokument te shoqërisë. Ajo mund te urdhëroje apo te udhëzoje administratorin/et ne kryerjen e detyrës se tij.

Asambleja ka keto kompetenca:

- Vendos për përcaktimin e politikave tregtare të shoqërisë dhe strategjive te zhvillimit, perfshire edhe investimet kapitale;
- Vendos per ndryshimet e statutit;
- Emeron dhe shkarkon Administratorin/et, likuiduesit dhe ekspertët kontabël të Miratuar, si dhe përcakton shpërblimet e tyre;
- Mbikëqyr zbatimin e politikave tregtare nga Administratori/et, miraton buxhetin vjetor dhe raportet e ecurisë se veprimtarisë;
- Vendos per zmadhimin dhe zvogëlimin e kapitalit;
- Vendos per pjesëtimin e kuotave dhe/ose anulimin e tyre;
- Vendos per riorganizimin (shendrrimin, bashkimin me shoqeri te tjera, ndarjen), dhe/ose prishjen e shoqërisë;



- Vendos per transferimin (blerjen, shitjen dhurimin, shkembimin) e pasurive te shoqerise, per cedimin apo per dhenien me qira te shoqerise ose degeve te saj, per dhenien me qera te aseteteve te shoqerise, per marrjen me qera te objekteve apo aseteteve te ndryshme, per kontratat leasing, per pjesemarrjen ne kapitalin e kompanive te tjera nepermjet pjesemarrjes ne kapital, blerjes se kuotave apo aksioneve;
- Vendos per miratimin e huamarrjeve me interes nga te tretet, si dhe per huamarrjet pa interes per vlera mbi 20.000 Euro (njezetemije);
- Vendos per dhenien e garancive hipotekore, pengut, barreve siguruese, dorezanise etj;
- Miraton Bilancet, pasqyrat financiare dhe raportet e eksperteve kontabel te miratuar;
- Miraton shperdarjen e fitimit, nepermjet ndarjes se dividendeteve ose vendos per kapitalizimin e tyre nepermjet zmadhimit te kapitalit;
- Miraton strukturen organizative te shoqerise, rregulloren e brendeshme dhe organogramen, rregulloren e sigurimit teknik, si dhe politikat dhe nivelin e pagave dhe shperblimeve per cdo vend pune ne shoqeri;
- Vendos per ceshtje te tjera te parashikuara nga ligji;

Neni 10 Vendimarrja

Vendimet e Asamblesë qe merren me shumice te zakonshme, jane te gjitha vendimet e Asamblese per te cilat Ligji dhe Statuti nuk kerkojne nje shumice te cilesuar.

Vendimet qe merren me shumice te zakonshme jane te vlefshme nese ne mbledhje jane te pranishem ortaket (me te drejte vote) qe zoterojne me shume se 30 për qind të kapitalit te shoqerise (Kuorumi). Vendimi konsiderohet i marre nese eshte vendosur me shumicen e votave te ortakeve pjesemarres. Ne rast se nuk arrihet Kuorumi i percaktuar, Asambleja mblidhet përsëri jo më vonë se 30 ditë, me të njëjtin rend dite.

Per Vendimet e Asamblesë qe merren me shumice te cilesuar, mbledhja eshte e vlefshme nese ne mbledhje jane te pranishem ortaket (me te drejte vote) qe zoterojne me shume se gjysmen e numrit total te kuotave (Kuorumi). Vendimi konsiderohet i marre nese eshte vendosur me **75%** (shtatedhjeteepesepeserqind) te votave te ortakeve pjesemarres. Ne rast se nuk arrihet Kuorumi i percaktuar me siper, Asambleja mblidhet përsëri jo më vonë se 30 ditë, me të njëjtin rend dite.

Merren me shumice te cilesuar keto vendime:

- Ndryshimi i Statutit;
- Zmadhimi ose zvogëlimi i kapitalit;
- Riorganizimi (shnderrimi, bashkimi, ndarja) si dhe/ose prishja e shoqërisë,
- Shperndarja e fitimeve ose kapitalizimi i tyre;
- Percaktimi i politikës dhe mases se pagave dhe shperblimeve per cdo pozicion pune ne shoqeri, duke pershire edhe percaktimin e pages apo shperblimin e Administratorit, ekspertit kontabel te miratuar dhe likujduesve;



Asambleja e Përgjithshme me nismën e saj ose me kërkesën e ortakeve qe përfaqësojnë te paktën 5% te kapitalit themeltar, mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

Nëse Asambleja e Përgjithshme, refuzon kërkesën e ortakeve qe përfaqësojnë te paktën 5% te kapitalit themeltar, per nisjen e një hetimi te posaçëm ose nuk jep përgjigje brenda 60 ditëve atëherë, kërkesit kane te drejte t'i drejtohen gjykatës.

Neni 11

Zmadhimi i kapitalit themeltar

Vendoset nga Asambleja me 75% (shtatedhjetepeseperqind) te votave te ortakeve pjesemarres. Pas vendimit te asamblesë për zmadhimin e kapitalit, ortaket brenda 30 ditëve duhet të bëjnë derdhjet respektive, ne proporcion me kuotën e kapitalit qe zotëron secili.

Ortaket qe kane votuar kundra zmadhimit te kapitalit nuk janë te detyruar te kontribuojnë.

Depozitimi i kapitalit te zmadhuar, behet vetëm nga ortaket qe kane votuar pro rritjes se kapitalit, secili sipas kuotës qe është vendosur ne asamble. Ne mungese marrëveshje për rindarjen e kuotave, barazohet me 100 (njëqind) shuma e kapitalit pas zmadhimit. Pas derdhjes se kontributeve te sipërpërmendura, Administratori/et duhet te regjistrojne ne librin e ortakeve zmadhimin e kapitalit, duke marre nënshkrimin e atyre qe kane pranuar; si dhe te vazhdojne me një përshkrim te ndarjes se kapitalit midis ortakeve.

Administratori/et me ligj dhe pa autorizim paraprak te Asamblesë, mund t'u kërkojne llogari ortakeve qe kane nënshkruar zmadhimin e kapitalit, për derdhjen e kontributeve brenda afatit te sipërpërmendur.

Neni 12

Zvogëlimi i kapitalit

Vendoset nga Asambleja me 75% (shtatedhjetepeseperqind) te votave te ortakeve pjesemarres.

Kur vendimi i zvogëlimit te kapitalit nuk motivohet nga humbjet ne aktive, kreditorët e shoqërisë duhen njoftuar menjëherë; ata mund te kundërshtojnë vendimin pranë organeve gjyqësore.

Neni 13

Transformimi

Shndërrimi i shoqërisë ne shoqëri anonime, behet mbas hartimit te raportit përkatës nga Administratori dhe miratimit nga Asambleja e Përgjithshme me një shumicë prej tre të katërtave, ne përputhje me nenet 228 dhe 229 te Ligjit "Për Tregtarin dhe Shoqëritë Tregtare". Është i pavlefshëm çdo transformim i shoqërisë ne kundërshtim me këtë dispozite.

ADMINISTRIMI

Neni 14

Administrimi dhe përfaqësimi i shoqërisë i besohen një Administratori te Vetëm, qe mund eshte edhe ortak ne shoqëri. Administratori i vetëm emërohet për një periudhe prej 5 vjetesh me te drejte ripërtëritjeje, me përjashtim dorëheqje apo shkarkimi nga ana e Asamblesë.



Ne detyren e Administratorit emerohet: Z. Albano Myrtollari i biri i Lirimit, lindur ne 28.05.1990 ,banues ne adresen : Lagja 18 Rruga "I Maji, Hyrja 16" Korce, mbajtes i leternjoftimit me nr. J00528111B

Administratori gëzon kompetenca te pakufizuara për realizimin e objektit te veprimtarisë se shoqërisë, me përjashtim te atyre kompetencave qe Statuti ia njeh Asamblesë se Përgjithshme.

Ne përmbushje te detyrës se tij, ai ka te drejte dhe detyrim te kryej të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme; te përfaqësoj shoqërinë tregtare; te kujdeset për mbajtjen e saktë e të rregullt të dokumenteve dhe të librave kontabël të shoqërisë; te përgatis dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, të paraqesë këto dokumente përpara asamblesë së përgjithshme për miratim; te krijoj një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë; te kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit; te raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare,

Administratori kryen edhe detyra të tjera të përcaktuara në ligj dhe në statut si edhe mund te vere ne lëvizje instanca juridike dhe administrative, duke emëruar avokate e duke lëshuar prokura ne raste gjyqesh, duke kryer operacione bankare, këtu përfshire edhe hapjen e llogarive rrjedhëse, nënshkrimin dhe xhirimin e çeqeve, realizimin e tërheqjeve dhe derdhjeve me leke ne dore apo urdhër xhirimi, tituj krediti, paradhënie krediti.

Viti ekonomik fillon me 01 Janar deri me 31 Dhjetor çdo viti.

Neni 15

Administratori mund te emëroje përfaqësues, te cilëve, individualisht apo kolektivisht, mund t'u japë te drejtën e firmës, si dhe ato kompetenca, shpërblime e garanci qe do te vlerësoje te arsyeshme. Ai mundet gjithashtu te emëroje drejtues ose përfaqësues për akte apo kategori aktesh te caktuar.

Neni 16

Përgjegjësitë e Administratorit

Administratori (apo administratoret nëse do te emërohen te tille) janë përgjegjëse individualisht ose solidarisht, sipas rastit, ndaj shoqërisë ose te tretëve, për shkeljet ligjore te Statutit apo faje te kryera gjate administrimit te shoqërisë.

Shoqëria nuk është përgjegjëse ndaj te tretëve, për aktivitete te kryera nga administratori ne kundërshtim me kompetencat e tij, kur vërtetohet se ata ishin ne dijeni te kësaj rrethane.

Administratori përgjigjet personalisht para shoqërisë dhe/ose te tretëve qe kane pësuar dëme nga ndonjë veprim i tij i paligjshëm.

Neni 17



Asambleja e përgjithshme mund të shkarkojë administratorin në çdo kohë me shumicë të zakonshme, duke dhënë një motivacion. Paditë, që lidhen me shpërblimin e administratoreve, në bazë të marrëdhënieve kontraktore me shoqërinë, rregullohen sipas dispozitave ligjore në fuqi

Administratori/ret mund të heq/in dorë në çdo kohë nga detyra e tij/tyre, nëpërmjet një njoftimi me shkrim drejtuar asamblesë së përgjithshme. Administratori/ret, që jep dorëheqjen, është gjithashtu i detyruar të thërrasë asamblesë të përgjithshme për emërimin e administratorit të ri, përpara datës në të cilën dorëheqja të hyjë në fuqi. Nëse asambleja e përgjithshme nuk vendos emërimin e administratorit të ri në datën e përcaktuar në thirrjen e kryer nga administratori i dorëhequr, atëherë administratori i njofton me shkrim dorëheqjen Qendrës Kombëtare të Regjistrimit, së bashku me kopjen e thirrjes së mbledhjes së asamblesë së përgjithshme dhe Qendra Kombëtare e Regjistrimit regjistron largimin e administratorit, sipas procedurave të ligjit nr. 9723, datë 3.5.2007, "Për Qendrën Kombëtare të Regjistrimit", të ndryshuar.

PERFAQESIMI I PUNEMARRËSVE

Neni 18

Nëse shoqëria ka me shume se 50 punonjës atëherë ata kanë të drejtën të organizojnë një Këshill të punëmarrësve me një mandat 5-vjeçar me të drejtë ripërtëritje ose kur shoqëria ka të punësuar me shume se 20 punëmarrës po me pak se 50 atëherë për çdo 10 punëmarrës zgjidhet një përfaqësues. Këshilli i Punëmarrësve apo përfaqësuesit e tyre gëzojnë të gjitha të drejtat dhe detyrimet e parashikuara nga neni 20 i Ligjit "Për Tregtarët dhe Shoqëritë Tregtare".

EKSPERTI KONTABEL I AUTORIZUAR

Neni 19

Emërimi i ekspertit kontabël të autorizuar behet me vendim të asamblesë së përgjithshme e cila përcakton mandatin dhe shpërblimin.

Kur ligji e parashikon shprehimisht prezencën e ekspertit kontabël të autorizuar, janë të pavlefshme operacionet e kryera pa prezencën e tij.

Neni 20

Eksperti Kontabël i autorizuar pasi ka verifikuar librat kontabël, arkën dhe depozitat bankare, garanton që kontabiliteti vjetor është mbajtur në rregull, i korrespondon të vërtetës dhe është në përputhje me legjislacionin në fuqi.

Mund të shkarkohet nga funksionet e tij me vendim të asamblesë së përgjithshme si dhe me vendim gjykatë.

Eksperti Kontabël i autorizuar përpilon dhe i paraqet Asamblesë një raport financiar mbi ushtrimin vjetor që pasqyron situatën financiare në nisje dhe atë në mbyllje.

Kontrollon që bilanci përfundimtar dhe Raporti i përpiluar nga Administratori për Asamblesë, t'i korrespondojë realitetit.

Është i detyruar të paraqesë Administratorit dhe asamblesë së ortakeve:

- a) Kontrollin, verifikimet dhe sondazhet e bëra ;
- b) Zërat e bilancit dhe dokumentacionin kontabël që duhet korrigjuar duke sygjerruar edhe zgjidhjet;



- c) Gabimet dhe pasaktësitë e konstatuara ;
- d) Rezultatin financiar pas korrigjimeve të bëra;

Ai duhet të thirret në të gjitha mbledhjet e asamblesë së ortakeve ku aprovohet bilanci i aktivitetit gjithë vjetor, por mund të thirret në të gjitha rastet kur konsiderohet e nevojshme.

Neni 21

Eksperti kontabël i autorizuar përgjigjet ndaj shoqërisë dhe ndaj të tretëve për pasojat e negative që rrjedhin nga gabime e neglizhime në kryerjen e funksionit të tij.

Nuk mban përgjegjësi për shkeljet ligjore të kryera nga administratori, me përjashtim të rasteve kur ka pasur dijeni për to, por nuk ia ka paraqitur dhe raportuar asamblesë.

KREU IV FITIMIT DHE FONDET

Neni 22

Fitimi që do të shpërndahet përbehet nga fitimet e realizuar gjatë vitit financiar të sapa mbyllur.

Asambleja mund të vendosë për formimin dhe shpërndarjen e fondeve të ndryshme.

Neni 23

Asambleja vetëm pasi ka miratuar bilancin përfundimtar dhe ka vendosur shumën që do të shpërndahet, përcakton pjesën e fitimit për ortakun e vetëm.

Shoqëria mund t'i shpërndajë fitime ortakut të vetëm, vetëm nëse administratori apo administratori, nën përgjegjësinë të tyre personale, lëshojnë një certifikatë të aftësisë pagese, e cila konfirmon shprehimisht se shpërndarja e propozuar e dividendëve përmbush kërkesat nën 77 të Ligjit "Për Tregtarin dhe Shoqëritë Tregtare"

Gjatë vitit, shoqëria ka të drejtë t'i japë ortakut të vetëm paradhënie mbi dividendët në vlera jo më të mëdha se dividendi i shpërndarë një vit më parë, me kusht që:

- a) Të mbetet e depozituar një rezerve, e barabartë me paradhëniet që do të shpërndahen;
- b) Një Ekspert kontabël i autorizuar të vërtetojë në një relacion me shkrim që fitimet neto të realizuara deri në atë moment janë më të mëdha se paradhëniet që parashikohen për tu shpërndarë ortakeve.

Shpërndarja e paradhënieve vendoset nga asambleja ose administratori. Në vendimin përkatës duhet të specifikohen shumat dhe datat e kthimit.

Dividendët që nuk korrespondojnë me fitimet e realizuara realisht, mund t'u reklamohen ortakeve që i kanë marrë ato.

KREU V PAVLEFSHMERIA E SHOQËRISË, PRISHJA, LIKUJDIMI DHE LARGIMI I ORTAKEVE

Neni 24

Pavlefshmeria absolute apo relative e themelimit të shoqërisë, mund të konstatohen apo të shpallen vetëm nëse plotësohen një apo disa nga kushtet e parashikuara në nenin 3/1 të Ligjit Nr.

129/2014. Edhe pasojat e pavlefshmerise, do te zgjidhen ne perputhje me kerkesat e dispozites se cituar me siper.

Neni 25

Shoqeria mund te priset vetem ne keto raste:

- a) për çdo shkak të vendosur nga asambleja e përgjithshme e ortakëve;
- b) me përfundimin e procedurave të falimentimit apo në rast të pamjaf-tueshmërisë së pasurive për të mbuluar shpenzimet e procedurës së falimentimit;
- c) kur mbaron kohëzgjatja, për të cilën është themeluar;
- d) në rast se objekti bëhet i parealizueshëm për shkak të mosfunksionimit të vazhduar të organeve të shoqërisë apo për shkaqe të tjera që e bëjnë absolutisht të pamundur vazhdimin e veprimtarisë tregtare;
- dh) në rastet e pavlefshmërisë së themelimit të shoqërisë, të parashikuara ligj;
- e) në raste të tjera, të parashikuara me ligj;

Neni 26

LARGIMI DHE PERJASHTIMI I ORTAKEVE

Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë pasi të njoftoje me shkrim për arsyet e largimit shoqërinë.

Në bazë të një vendimi të zakonshëm, asambleja e përgjithshme mund t'i kërkojë gjykatës përjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përjashtim.

Ne këto raste zbatohen parashikimet e neneve 102, 103 dhe 104 të Ligjit "Për Tregtarët dhe Shoqëritë Tregtare".

Neni 27

LIKUIDIMI

Kur me vendim gjykate shpallet pavlefshmëria absolute apo relative e shoqërisë si dhe në rastet e parashikuara në statut, asambleja e përgjithshme vendos prishjen e parakohshme të shoqërisë dhe fillojnë procedurat e likuidimit që do të kryhen sipas kërkesave të parashikuara në Ligjin "Për Tregtarët dhe Shoqëritë Tregtare" dhe në përgjithësi nga legjislacioni shqiptar në fuqi.

ORTAKU I SHOQERISE "AED ENGINEERING & TRADE" SHPK

Albano Mergollon